

FlipSnack - bu tezkor va juda oson ravishda elektron kitob yaratib, web-sayt yoki forumda nashr etishingiz mumkin bo'lgan onlayn xizmat.



Ushbu onlayn servis kitoblar, jurnallar, kataloglar, gazetalarni yoki boshqa hujjatlarni web-saytga yoki blogga joylashtirmoqchi bo'lganlar uchun juda mos keladi. U orqali siz o'zingizning varaqlanish efektiga ega elektron kitob namunangizni yaratishingiz, hamda Facebook, Telegram, kabi ijtimoiy tarmoq saytlari orqali boshqalar bilan ulashishingiz yoki elektron pochta orqali yuborishingiz mumkin.



FlipSnack – o'qituvchilar uchun ajoyib va qulay nashriyot platformasi bo'lib xizmat qiladi. Uning yordamida o'qituvchilar o'z hikoyalarini, ma'lumotlarini aql bovar qilmaydigan va chiroyli jurnallar, kataloglar, elektron kitoblar va boshqalar orqali aytib bera olishadi. Mazkur onlayn servis o'qituvchilarning faoliyat

tarmog'i, tajribasidan qat'i nazar, hamma uchun juda mos keladi. www.flipsnack.com saytidan ro'yxatdan o'tib, onlayn servisni bepul sinab ko'rish imkoniyati mavjud. Bunda onlayn servis bir vaqtning o'zida 3 tagacha flipbook yaratish, nashr etilgan har qanday flipbooklarga ulanish va ko'rish hamda tahrirlash, shuningdek, elektron pochta orqali boshqalarga jo'natish, ijtimoiy tarmoqlarda flipbookni ko'rish havolasini ulashish imkoniyatini taqdim etadi. Bir nechta barmoq harakati bilan siz o'zingizning sevimli jurnallaringizni, mobil qurilmangizda ham varaqlash effekti bilan o'qiy olasiz.